

**ტერიტორიული მარკეტინგის როლი და
მნიშვნელობა ტურისტული დანიშნულების
ადგილების დაგეგმვასა და განვითარებაში**

DOI - 10.36962/ecs105/6-8/2022-167

მაია ახვლედიანი

ეკონომიკის აკადემიური დოქტორი,
აკაკი წერეთლის სახელმწიფო
უნივერსიტეტის ასოცირებული პროფესორი
maia.akhvlediani1@atsu.edu.ge

რეზიუმე

თანამედროვე პირობებში ტერიტორიული მარკეტინგი ეფუძნება ტერიტორიული მართვის ორგანოების როლისა და ფუნქციების ახლებურ გააზრებას და აღმასრულებელი ხელისუფლების წარმომადგენლებს საშუალებას აძლევს ეფექტურად მართონ ტერიტორიის რესურსები, სრულად და საუკეთესოდ დააკმაყოფილონ მოქალაქეების, ტურისტების, ბიზნესმენებისა და მომხმარებელთა სხვადასხვა ჯგუფების მოთხოვნები, შესაბამისად ტერიტორიის მიმზიდველობა საცხოვრებელი თუ ბიზნესის კეთების თვალსაზრისით იზრდება. ტურისტული ინდუსტრია, გარკვეულ ეტაპზე, ტერიტორიული მარკეტინგის და, კერძოდ, ადგილების ბრენდინგის იდეების მთავარი „მომხმარებელი“ ხდება. თუ გარკვეულ ტერიტორიაზე არის უნიკალური ბუნებრივი ობიექტები, ისტორიული კულტურული ატრაქციონები და ა.შ., ანუ ადგილს აქვს ტურისტული პოტენციალი, საჭიროა ძალისხმევა ამ პოტენციალის განვითარებისა და შემდგომი რეალიზაციისთვის. იმის შესასწავლად, თუ როგორ გამოიყენება ქალაქ ქუთაისის ტურისტული დანიშნულების ადგილების დაგეგმვასა და განვითარებაში ტერიტორიული მარკეტინგის პრინციპები წერეთლის სახელმწიფო უნივერსიტეტში ჩატარდა მარკეტინგული კვლევა ანკეტური გამოკითხვის მეთოდით. სულ გამოკითხული იქნა 136 რესპონდენტი.

რესპონდენტები შეირჩნენ სტატისტიკურ მეთოდებზე დაყრდნობით, როგორც სააღბათო, ისე არასააღბათო შერჩევის პრინციპით. რესპონდენტთა გამოკითხვა მიმდინარეობადა ქალაქ ქუთაისის მასშტაბით. კვლევის საფუძველზე გაკეთებულია დასკვნა რომ, ტერიტორიული მარკეტინგი უზრუნველყოფს ტერიტორიის მოქალაქეების ინტერესების გათვალისწინებას, ტერიტორიის მართვის პროცესში, რაც ქმნის წინაპირობებს ეფექტური მართვისთვის.

საკვანძო სიტყვები: ტურისტული პოტენციალი, ტერიტორიული მარკეტინგი, მენეჯმენტი, იმიჯი, ტურისტული ინდუსტრია.

ძირითადი შინაარსი

თანამედროვე მსოფლიოში ტერიტორიული მარკეტინგი, ფართოდ გამოიყენება კონკრეტული ტერიტორიის განვითარების მიზნების მისაღწევად, იქნება ეს ქვეყანა, რეგიონი, ქალაქი, სოფლის დასახლება და ა.შ. ტერიტორიული მარკეტინგი არაკომერციული მარკეტინგის სახეა, რომელსაც ორგანიზაციები და ცალკეული პირები, საზოგადოებრივი ინტერესების გათვალისწინებით ახორციელებენ¹. უნდა აღინიშნოს, რომ მარკეტინგული კომპლექსი რეგიონის, ქალაქის ან ცალკეული დასახლების (თემი) ხელისუფლების წარმომადგენელთა მიერ, ტერიტორიის მასშტაბის, კომპეტენციის, არსებული რესურსებისა და რიგი სხვა პარამეტრების გათვალისწინებით მუშავდება. შესაბამისად, ყოველ ჯერზე ჩვენ განვიხილავთ ტერიტორიული მარკეტინგის განხორციელების შედეგებს რეგიონულ დონეზე (რეგიონის მარკეტინგი), მუნიციპალიტეტის (მუნიციპალური მარკეტინგი) და ქალაქის (ქალაქის მარკეტინგი) დონეზე. ყველა აღნიშნულ შემთხვევაში მარკეტინგი, ხელს უწყობენ, ტერიტორიის სპეციფიკური მახასიათებლების (მოსახერხებელი ადგილმდებარეობა, რესურსები, ობიექტები და ა.შ.), დაინტე-

1 Kotler P. &Gentner D. «Country as Brand Product, and Leyond A. Ploce Marketing and rand Management Perspective», Journal of Brand Management; Vol 9, 4/5, 2002

რესებულ მხარეებზე წარმატებით „გაყიდვას“¹. ტერიტორიის მარკეტინგი, ასევე ტერიტორიის სპეციფიკასთან დაკავშირებულ სპეციალური დანიშნულების ინფორმაციის, კონკრეტული მეთოდებითა და ინსტრუმენტების გამოყენებით, გავრცელება-საც მოიაზრებს.

ტერიტორიის მარკეტინგის განსახორციელებელი საკითხები აისახება მარკეტინგის გეგმაში, მაგალითად, როგორიცაა ტერიტორიის იმიჯის შექმნა, მოზიდული ინვესტიციების და ტერიტორიის ვიზიტორთა რაოდენობის ზრდა და ა.შ. ამდენად, ტერიტორიული მარკეტინგი ეფუძნება ტერიტორიული მართვის ორგანოების როლისა და ფუნქციების ახლებურ გააზრებას. ტერიტორიული მარკეტინგის პრინციპების გამოყენება მართვაში, აღმასრულებელი ხელისუფლების წარმომადგენლებს საშუალებას აძლევთ ტერიტორიის რესურსები ეფექტიანად მართონ, სრულად და საუკეთესოდ დააკმაყოფილონ მოქალაქეების, ტურისტების, ბიზნესმენებისა და მომხმარებელთა სხვადასხვა ჯგუფების მოთხოვნები, შესაბამისად ტერიტორიის მიმზიდველობა საცხოვრებელი თუ ბიზნესის კეთების თვალსაზრისით

იზრდება². ასევე, მნიშვნელოვანია აღინიშნოს, რომ ტერიტორიული მარკეტინგი არ არის მხოლოდ მომხმარებელთა მოთხოვნების შესწავლისა და დაკმაყოფილების პროცესი. ტერიტორიული მარკეტინგის კონცეფცია კარგადაა შეთანხმებული სახელმწიფო ადმინისტრირების თანამედროვე თეორიებთან, მათ შორის, სახელმწიფო ადმინისტრირების ახალი თეორიასთან³. სახელმწიფო ადმინისტრირების შეფასება, მომხმარებელთა საზოგადოებრივი პროდუქტით კმაყოფილების დონის მიხედ-

1 Bramezza I. The competitiveness of the European city and the role of urban management in improving the city's performance. — Rotterdam: Tinbergen Institute, 1996

2 Towards Effective Place Brand Management: Branding European Cities and Regions / ed. G.J. Ashworth, M. Kavaratzis. -Cheltenham : Edward Elgar Publ. Limited, 2010.

3 Kavaratzis M. Place Marketing: how did we get here and where are we Going? / M. Kavaratzis, G.J. Ashworth // Journal of Place Management and Development. - 2008. - Vol. 1, iss. 2.

ვით განისაზღვრება, თუმცა დროთა განმავლობაში ჩნდება იმის გაგება, რომ საზოგადოებრივი ინტერესების დაკმაყოფილებისა და საზოგადოებრივი პრობლემების გადაჭრისათვის, აუცილებელია სახელმწიფოსა და საზოგადოების ურთიერთკავშირის (თანამშრომლობის) უზრუნველყოფა. მოქალაქეები (საზოგადოებრივი საქონლისა და მომსახურების მომხმარებლები) არა მხოლოდ პასიური მიმღები არიან საზოგადოებრივი კეთილდღეობის, არამედ აქტიურად ერთვებიან მართვის პროცესებში და შეუძლიათ ტერიტორიის სოციალურ-ეკონომიკური განვითარების სტრატეგიული და ტაქტიკური საკითხების გადანყვეტაზე გავლენის მოხდენა. ზოგიერთ შემთხვევაში, თვითორგანიზებული მოსახლეობა, ტერიტორიის რესურსებს, ტერიტორიის მახასიათებლების შესახებ სრულყოფილი ინფორმაციის ფლობის გამო, უკეთესად მართავს და ეფექტიანად იყენებს¹.

პანდემიის პირობებში „საჯარო მართვის“ ახალი იდეების ხორცშესხმა დაიწყო საინფორმაციო და საკომუნიკაციო ტექნოლოგიების უფრო ფართო გამოყენების საშუალებით, რაც ხელისუფლებას მოსახლეობასთან უკეთესი ურთიერთქმედების საშუალებას აძლევს სწრაფად მიიღოს პასუხი. ამდენად, ტერიტორიის მაცხოვრებლები ხდებიან ტერიტორიული ადმინისტრირების აქტიური მონაწილეები, რაც გამოიატება მოქალაქეთა მონაწილეობით სტრატეგიული გადანყვეტილებების შემუშავებაში. აღნიშნული კი შესაძლებელს ხდის, ტერიტორიის მიმზიდველობა, როგორც საცხოვრებელი ისე ბიზნესის კეთების თვალსაზრისით გაზარდოს.

ტურისტული ინდუსტრია გარკვეულ ეტაპზე ხდება ტერიტორიული მარკეტინგის და, კერძოდ, ადგილების ბრენდინგის იდეების მთავარი „მომხმარებელი“². თუ გარკვეულ ტერიტორიაზე არის უნიკალური ბუნებრივი ობიექტები, ისტორიული კულტურული ატრაქციონები და ა.შ., ანუ ადგილს აქვს ტურისტული


1 Evans G. Hard Branding the Cultural City: from Prado to Prada / G. Evans // International Journal of Urban and Regional Research. - 2003. - Vol. 27, iss. 2.

2 Anholt S. Competitive Identity: The New Brand Management for Nations, Cities and Regions / S. Anholt. - Basingstoke : Palgrave, 2007.

პოტენციალი, საჭიროა ძალისხმევა ამ პოტენციალის განვითარებისა და შემდგომი რეალიზაციისთვის. აუცილებელია ამ ადგილის ირგვლივ შესაბამისი საინფორმაციო ველის შექმნა (იმიჯის შესაქმნელად), ადგილის სატრანსპორტო ხელმისაწვდომობის უზრუნველსაყოფად (ინფრასტრუქტურის განვითარება), ადგილობრივ მოსახლეობაში ვიზიტორების მიმართ ხელსაყრელი დამოკიდებულების ჩამოყალიბება (პერსონალთან მუშაობა)¹. ეს საქმიანობა მოითხოვს, ადგილობრივი ადმინისტრაციის, ადგილობრივი ბიზნესისა და ადგილობრივი მოსახლეობის ყველა ჯგუფის სავალდებულო კოორდინირებით ინტერესების ერთობლივ ძალისხმევას. უფრო მარტივად შეიძლება ვთქვათ, რომ ეს არის ტერიტორიის მარკეტინგი. იმის შესასწავლად თუ როგორ გამოიყენება ქალაქ ქუთაისის ტურისტული დანიშნულების ადგილების დაგეგმვასა და განვითარებაში ტერიტორიული მარკეტინგის პრინციპები ჩვენს მიერ წერეთლის სახელმწიფო უნივერსიტეტში ჩატარდა მარკეტინგული კვლევა. კვლევის ამოცანებიდან გამომდინარე, მიზანშეწონილად მივიჩნიეთ რაოდენობრივი კვლევის ჩატარება ანკეტური გამოკითხვის მეთოდის გამოყენებით. რესპონდენტები შეირჩა სტატისტიკურ მეთოდებზე დაყრდნობით როგორც სააღბათო, ისე არასააღბათო შერჩევის პრინციპით. სულ გამოიკითხა 136 უცხოელი ვიზიტორი. გამოკითხვა წარმოებდა ქალაქ ქუთაისის მასშტაბით.

კითხვაზე „ქალაქ ქუთაისის ტურისტული მიმზიდველობის რომელ კრიტერიუმს ანიჭებთ უპირატესობას“ რესპონდენტთა პასუხები ასე გადანაწილდა: ქალაქ ქუთაისის როგორც ტურისტული ადგილის ხელმისაწვდომობას უპირატესობას ანიჭებს გამოკითხული რესპონდენტთა მთლიანი რაოდენობის 13%. ვიზიტორები აღნიშნავენ, რომ ქალაქის ტურისტულ ობიექტებზე მისასვლელი გზები მოსახერხებელია, თუმცა მოუწესრიგებელია ავტოსადგომები და ნაკლებად ხელმისაწვდომია ეკოლოგიურად სუფთა ტრანსპორტი.

1 Hankinson G. Managing Destination Brands: Establishing a Theoretical Foundation / G. Hankinson // Journal of Marketing Management. - 2009. - Vol. 25, iss. 1.



წყარო: მარკეტინგული კვლევა

რესპონდენტთა 18% მიიჩნევს, რომ ქალაქის ტურისტული რესურსები მიმზიდველია, ქალაქში არსებულ ტურისტულ ობიექტებს გააჩნია მსოფლიო მნიშვნელობის კულტურული, ისტორიული და ესთეტიკური ღირებულება, თუმცა, ტურების შესაბამისობა საერთაშორისო სტანდარტებთან ჯერ კიდევ დაბალია. ყველაზე დაბალი პროცენტული შეფასება ნილად ხვდა ჯანმრთელობის დაცვის მაჩვენებელს (8%).

კვების ობიექტებზე „ფასი-ხარისხის“ შესაბამისობისობას „ცუდად“ აფასებს გამოკითხულ რესპოდენტთა 38% და „ძალიან ცუდად“- 14%. იმერული სამზარეულო ძალიან მოსწონს რესპოდენტთა 72%-ს, „კარგი“ მაჩვენებლით აფასებს 16%, „საშუალო“ მაჩვენებლით - 11%, არ მოსწონს დაახლოებით რესპოდენტთა 8%-ს. კვების ობიექტებში ცუდადაა ან საერთოდ არ არის წარმოდგენილი სხვა ქვეყნების სამზარეულო აცხადებს რესპოდენტთა 54%.

დასკვნის სახით შეიძლება აღვნიშნოთ რომ ტერიტორიული პროდუქტი არის იმ ღირებულებების ერთობლიობა, რომელიც არსებობს კონკრეტული პროდუქტებისა და სერვისების სახით, რომლებიც იწარმოება და ხელმისაწვდომია მოცემულ მომენტში მოხმარებისთვის. ქალაქ ქუთაისს, რაც განასხვავებს სხვა ტურისტული ტერიტორიებისაგან ესაა თავდაპირველი სახით

შემონახული კულტურული-მემკვიდრეობითი ძეგლები, იმერეთის რეგიონული ცენტრია ქუთაისი, რომელიც ევროპის ერთ-ერთი უძველესი დედაქალაქია, გამორჩეული სტუმართმოყვარეობით და სამზარეულოთი. კვლევის დროს უამრავი სუსტი მხარე გამოიკვეთა, რომელთა გათვალისწინება აუცილებელია ქალაქ ქუთაისის, როგორც იმერეთის ტურისტული ცენტრის მიმზიდველობის ასამაღლებლად.

გამოყენებული ლიტერატურა/REFERENCES:

1. Kotler P. Country as Brand, Product and beyond: a Place Marketing and Brand Management Perspective / P. Kotler, D. Gertner // Destination Branding: Creating the Unique Destination Proposition / ed. N. Morgan, A. Pritchard, R. Pride. - Amsterdam : Elsevier, 2002.
2. Kavaratzis M. Cities and their Brands: Lessons from Corporate Branding / M. Kavaratzis // Place Branding and Public Diplomacy. - 2009. - Vol. 5, iss. 1.
3. Towards Effective Place Brand Management: Branding European Cities and Regions / ed. G.J. Ashworth, M. Kavaratzis. -Cheltenham : Edward Elgar Publ. Limited, 2010.
4. Kavaratzis M. Place Marketing: how did we get here and where are we Going? / M. Kavaratzis, G.J. Ashworth // Journal of Place Management and Development. - 2008. - Vol. 1, iss. 2.
5. Evans G. Hard Branding the Cultural City: from Prado to Prada / G. Evans // International Journal of Urban and Regional Research. - 2003. - Vol. 27, iss. 2.
6. Anholt S. Competitive Identity: The New Brand Management for Nations, Cities and Regions / S. Anholt. - Basingstoke : Palgrave, 2007
7. Hankinson G. Managing Destination Brands: Establishing a Theoretical Foundation / G. Hankinson // Journal of Marketing Management. - 2009. - Vol. 25, iss. 1

THE ROLE AND IMPORTANCE OF TERRITORIAL MARKETING IN THE DEVELOPMENT AND ARRANGEMENT OF TOURIST DESTINATIONS

Maia Akhvlediani,

Academic Doctor of Economics,

Akaki Tsereteli State University,

Associate Professor

maia.akhvlediani1@atsu.edu.ge

RESUME

In the contemporary conditions, territorial marketing is based on the innovatory understanding of roles and functions of territorial management bodies and it supports representatives of executive power to effectively manage territorial sources, fully and completely satisfy citizens', tourists', businessmen's and different clients' requirements and meet their needs. Thus, the attractiveness of the area for living and doing business is increasing tremendously. At a particular stage, the tourism industry becomes the main "consumer" of territorial marketing and, particularly, of place branding ideas. It is significant for any territory to create a favorable image in the external space in order to attract the maximum number of tourists, that surely leads to the improvement of both economic and political positions of the territory. If in a certain area there are unique natural objects, historical cultural attractions, etc., so, the place has tourist potential and proper efforts are needed to develop and realize this potential. To say simply, that is territory marketing. In order to study how the principles of territorial marketing are used in the planning and development of tourist destinations in Kutaisi, a marketing research was performed at Akaki Tsereteli State University, using the proper questionnaire survey method. 136 respondents were interviewed. Respondents were chosen based on the statistical methods, both on the principle of probability and non-probability sam-

pling. The interviewing process of the respondents was conducted throughout Kutaisi. Based on the research, in conclusion, that territorial marketing ensures consideration of the interests of citizens of the territory in the process of managing the territory, which creates prerequisites for effective management and also allows evaluating the quality of the executive authority's activities. Territorial product is a set of values that exist in the form of specific products and services that are produced and available for consumption at the given moment, that is an effective tool for tourism development.

Key words: tourist potential, territorial marketing, management, image, tourist industry.